

Ordinaziun davart l'administraziun da finanzas da la Baselia catolica dal chantun Grischun

Sa basond sin art. 13 cif. 2 ed art. 36 da la constituziun da la Baselia catolica dal chantun Grischun, relaschada dal Corpus catholicum ils 29 d'october 2014

Intent	<p>Art. 1</p> <p>1 La Baselia catolica dal chantun Grischun administrescha las entradas, la facultad ed ils fonds e maina ina contabilitad independenta.</p> <p>2 Questa ordinaziun furma la basa legala per decisiuns d'expensas, uschè lunsch ch'i n'è betg reglè insatge auter en ulteriuras ordinaziuns.</p>
Survegianza	<p>Art. 2</p> <p>1 La cumissiun administrativa s'occupa da l'administraziun da finanzas.</p> <p>2 Ella vegn exequida dal parsura dal departament finanzas. El surveglia la contabilitad e dat rapport a la cumissiun administrativa.</p> <p>3 En cas ch'ils duairs d'uffizi dals commembers da la cumissiun administrativa da la Baselia catolica dal chantun Grischun vegnan violads, stattan els buns tenor ils princips da las disposiziuns respectivas dal chantun Grischun davart la responsabladad dal stadi.</p>
Procuraziun dals meds finanzials	<p>Art. 3</p> <p>Ils meds finanzials vegnan procurads tras:</p> <ul style="list-style-type: none">a) retgavs da la taglia da cultus che la Baselia catolica dal chantun Grischun incasseschab) retgavs da la facultad da la baselia chantunalac) donaziuns e contribuziuns da terzs
Diever dals meds finanzials	<p>Art. 4</p> <p>1 Ils meds finanzials che stattan mintg'onn a disposiziun a la Baselia catolica dal chantun Grischun èn d'impunder per:</p> <ul style="list-style-type: none">a) contribuziuns finanzialas annualas, contribuziuns per cas gravants individuals, contribuziuns da construcziun e contribuziuns da promoziun per fusiuns da plaivsb) ademplir ils duairs da la Baselia catolica dal chantun Grischunc) contribuziuns a terzs, cunzunt a l'investgieu ed ad instituziuns socialas e caritativasd) ulteriuras expensas da la Baselia catolica dal chantun Grischun <p>2 Cun approvar il preventiv decida il Corpus catholicum da reparter ils meds ed autorisescha la cumissiun administrativa d'als dar ora.</p> <p>3 La cumissiun administrativa è autorisada da far expensas annualas da fin CHF 50'000.00 ordaifer il preventiv approvà.</p>
Contabilitad	<p>Art. 5</p> <p>1 La cumissiun administrativa definescha ina u pliras personas ch'èn responsablas per la contabilitad.</p> <p>2 Las personas èn en relaziun d'engaschament e d'incumbensa cun la Baselia catolica dal chantun Grischun.</p> <p>3 La contabilitad cumprenda:</p> <ul style="list-style-type: none">a) far la contabilitadb) administrar la facultad ed ils fonds da la baselia chantunalac) incassar las entradasd) reglar las expensas <p>4 La cumissiun administrativa reglescha ils detagls en disposiziuns executivas u cunvegnas da prestaziun.</p>

Reglamentaziun da las suttascripziuns	<p>Art. 6</p> <p>Per la cumissiun administrativa da la Baselia catolica dal chantun Grischun suttascrivan legalmain mintgamai duas personas:</p> <p>a) il president ed in ulteriur commember da la cumissiun administrativa</p> <p>b) il president e la persona che fa la contabilitad</p> <p>c) in ulteriur commember da la cumissiun administrativa e la persona che fa la contabilitad</p> <p>d) dus ulteriurs commembers da la cumissiun administrativa</p>
Organ da controlla	<p>Art. 7</p> <p>1 La cumissiun da gestiun dal Corpus catholicum è l'organ da controlla.</p> <p>2 La cumissiun administrativa po en cas da basegn da la cumissiun da gestiun consultar experts externs per la revisiun da quint.</p> <p>3 La cumissiun da gestiun dat rapport al Corpus catholicum, eventualmain cun integrar il rapport da l'expert, e fa al Corpus catholicum la proposta d'approvar il quint annual e da distgargiar ils organs.</p>
Entrada en vigur	<p>Art. 8</p> <p>Questa ordinaziun entra en vigur il 1. da schaner 2015 sunter l'approvaziun tras il Corpus catholicum ed abolescha tut las determinaziuns cuntradictoras, en spezial l'ordinaziun davart l'administraziun da finanzas da la Baselia catolica dal chantun Grischun dals 18 da matg 1960.</p>